

Todos os anos, a Consellería do Mar da Xunta de Galicia, a través da Dirección Xeral de Pesca, Acuicultura e Innovación Tecnolóxica, e dentro das súas actuacións de promoción do sector pesqueiro, prepara a programación para asistir ás diferentes feiras de ámbito internacional e nacional.

Para poder acudir a cada unha das feiras cómpre alugar o chan en que se vai situar o posto da consellería con bastante antelación. A solicitude do espazo para o ano 2022 fíxose tendo en conta o interese manifestado polas distintas empresas nos cuestionarios que cobren despois de cada feira á que asistiron no último ano e a media de participación nos últimos anos.

Por outra banda, a consellería acudirá ás feiras recollidas no anexo I, e o número aproximado de empresas que poderán participar en cada unha delas é a que se indica no mesmo anexo

Esta participación está unicamente destinada a aquelas empresas produtoras e comercializadoras de produtos pesqueiros con sede social en Galicia.

**Se vostede está interesado en participar nalgún certame feiral no posto da Consellería do Mar deberá ter habilitado o acceso ás empresas na aplicación FEIMAR (Anexo II).**

Existirán dúas modalidades de participación, das cales deberá elixir unha, para cada unha das feiras a que queira asistir:

### **1. Como coexpositor:**

Os espazos dos coexpositores serán atendidos en todo momento por persoal da empresa, todos os días da feira e durante todo o horario de apertura desta.

Será imprescindible a presenza obrigatoria dun representante da empresa o día da montaxe para a recepción da mercadoría, á hora que se lles indique, así como para ultimar a decoración dos seus postos coa antelación suficiente á inauguración do certame.



Deberán recoller, ao final da feira, todos os seus produtos e entregalos ao persoal responsable da empresa montadora do posto segundo as normas e indicacións que dende a organización se diten.

Nin a Consellería do Mar, nin a empresa organizadora da montaxe e atención ao posto serán responsables das perdas ocasionadas pola falta de cumprimento dos parágrafos anteriores.

Coma en edicións anteriores, e co obxecto de lograr unha maior corresponsabilidade por parte do sector, a empresa adxudicataria, na construción e atención dos postos, prestará unha serie de servizos que contribuirán a unha mellor organización do evento, cuxo custo será en parte asumido polos coexpositores, os cales tamén contribuirán ao pagamento do alugamento do chan e/ou a imaxe da empresa, unha vez que nos comuniquen a súa conformidade de asistir a cada unha das feiras.

As empresas solicitantes deste espazo, aboarán á empresa adxudicataria, unha contía de 1.700 € mais o IVE correspondente, en concepto de xestión do espazo e imaxe da empresa.

## **2. Como participante en reunións específicas (centro de negocio):**

A participación das empresas nesta modalidade non obriga a permanecer na feira durante os días que esta dure, soamente nas datas e horas en que teña concertado un encontro de negocio, ben pola súa conta ou ben a través da empresa que poñerá a súa disposición a empresa adxudicataria da montaxe e atención do posto.

Para poder utilizar este espazo, deberase solicitalo por anticipado, e antes do reparto definitivo dos espazos entre os coexpositores, sendo a empresa adxudicataria a encargada de xestionar a súa utilización, establecendo un calendario de uso. As empresas solicitantes deste espazo, aboarán á empresa adxudicataria, unha contía de 300 € mais o IVE correspondente, en concepto de xestión do espazo.

A Administración porá á disposición das empresas un servizo de dinamización de encontros con posibles clientes.

## **O COMEZO DO PRAZO DE INSCRICIÓN É O 2 DE FEBREIRO ÁS 10 HORAS.**



Unha vez solicitado participar en algunha da distintas modalidades e realizado o pago correspondente, este non poderá ser devolto, debido a que a partir dese momento a empresa adxudicataria incorrerá nunha serie de gastos, (construción de elementos específicos do posto en función do número de empresas participantes, individualización dos espazos e elementos personalizados das empresas, catálogos da feira e os propios do posto...)

As empresas que non teñan espazo por falta de dispoñibilidade quedarán nunha lista de espera que se formará por rigorosa orde de entrada da súa solicitude nesta administración, así como ter cumprido as condicións de participación en anos anteriores (ter asistido coa Consellería cando así o tivesen solicitado ou terse dado de baixa por unha causa xustificada e terllo comunicado á Consellería e que esta o admitise e ter estado presente no posto dende o día da recepción da mercadoría e ata o final da feira).

Se vostede quere participar como coexpositor ou nun centro de negocio no posto da Consellería do Mar nalgunha outra feira, que non estea recollida na relación que se achega no anexo I, indique o nome da feira e envíenolo. Indicará as datas e o lugar de celebración, xa que de ter un número de solicitudes importantes poderíase intentar ir a elas en vindeiras edicións.

Así mesmo, pode reflectir calquera outro comentario ou suxestión que nos permita dar unha mellor resposta ás necesidades e demandas das empresas participantes, xa que o obxectivo principal deste programa é fomentar a consecución de novas saídas comerciais para o noso sector.

Agardamos que a nosa proposta sexa do seu interese e que sirva para que participe na planificación e desenvolvemento das nosas iniciativas

Sen outro particular, reciba un cordial saúdo.

En Santiago de Compostela,

A directora xeral de Pesca, Acuicultura e Innovación Tecnolóxica

Mercedes Rodríguez Moreda





## ANEXO I

### FEIRAS EN QUE É POSIBLE PARTICIPAR NO ANO 2022

Feira	Datas	Nº de coexpositores
<i>Seafood Expo North América, Boston</i>	<i>13 ao 15 de marzo</i>	<i>2</i>
<i>Aquafuture Spain, Silleda</i>	<i>23 ao 25 de marzo</i>	<i>10</i>
<i>Alimentaria, Barcelona</i>	<i>4 ao 7 abril</i>	<i>5</i>
<i>Salón Gourmets, Madrid</i>	<i>25 ao 28 de abril</i>	<i>24</i>
<i>Fish International, Bremen</i>	<i>4 ao 6 de setembro</i>	<i>10</i>
<i>Seafood Expo Asia, Singapur</i>	<i>14 ao 16 de setembro</i>	<i>10</i>
<i>Sial, París</i>	<i>15 ao 19 de outubro</i>	<i>14</i>



## ANEXO II

A páxina de acceso é <https://feimar.xunta.gal>

Unha vez seleccionada a opción de “Acceso Empresas”, mostrarase a páxina de “Sede” para autenticarse con Chave365 ou cun certificado dixital persoal (certificado DNI ou FNMT – Fábrica Nacional Moneda y Timbre).

Se teñen un certificado persoal a solicitude de Chave365 é inmediata, pero no caso de que non se teña, poderase solicitar de forma presencial en calquera órgano da Xunta de Galicia que realicen funcións de rexistro de Chave365.

[https://sede.xunta.gal/tramites-e-servizos/chave365?langId=es\\_gal](https://sede.xunta.gal/tramites-e-servizos/chave365?langId=es_gal)

Pódese acceder a FEIMAR mediante un certificado dixital persoal, pero é recomendable darse de alta en Chave365, xa que simplifica o acceso.

Con Chave365 accédese con número de DNI e o contrasinal que se lle proporcione.

Unha vez entre na aplicación, en caso de estar dado de alta como “persoa autorizada” nunha empresa en FEIMAR, poderanse modificar tódolos datos actuais da empresa, así como xestionar as solicitudes de asistencia ás feiras.

Actualmente esta dado de alta unha “Persoa Autorizada” por empresa, que é a persoa de contacto que foi rexistra para algunha das feiras.

Unha vez entre na empresa, poderase engadir as persoas autorizadas que se desexen.

En caso de entrar en FEIMAR e non estea dado de alta como “persoa autorizada” dunha empresa, aparecerá unha páxina baleira para dar de alta unha empresa nova.

Datos de contacto para resolver posibles dúbidas:

[servizomercadospesca@xunta.gal](mailto:servizomercadospesca@xunta.gal)  
981957034

